

საქართველოს განათლებისა და მეცნიერების სამინისტრო და სსიპ მასწავლებელთა პროფესიული განვითარების ცენტრი აცხადებს მასწავლებლებისა და საგნის სპეციალისტების შესარჩევ კონკურსს შემდეგ პროგრამებში მონაწილეობის მისაღებად: 'ასწავლე საქართველოსთვის', "კვალიფიციური მასწავლებლები ეთნიკური უმცირესობებით დასახლებული რეგიონების სკოლებში".

1. "ასწავლე საქართველოსთვის"

პროგრამის აღწერილობა

პროგრამა "ასწავლე საქართველოსთვის" ხორციელდება "განათლების სისტემის გარდაქმნისა და განმტკიცების" პროექტის კომპონენტის ("მასწავლებელთა პროფესიული განვითარების სისტემის გაძლიერება") ფარგლებში. პროგრამის განხორციელება დაიწყო 2009 წელს. საქართველოს რეგიონებში ზოგადი განათლების ხარისხის გაუმჯობესების მიზნით, იმ სკოლებში, სადაც არის მასწავლებლების ვაკანსიები, ხდება საგნის სპეციალისტების დასაქმება.

პროგრამის მიზანი

- ვაკანსიების მხრივ პრობლემურ სკოლებში კვალიფიციური კადრების მოზიდვა და სწავლა-სწავლების ხარისხის გაუმჯობესება;
- სასწავლო პროცესში მოტივირებული, ახალგაზრდა, ენერგიული და ლიდერის თვისებების მქონე სპეციალისტების ჩართვა.

პროგრამაში მონაწილეობის მიღება შეუძლია

უმალესი განათლების მქონე ნებისმიერ პირს, რომელიც არის კონკრეტული საგნის სპეციალისტი.

- პირველ ეტაპზე პროგრამაში მონაწილეობის მსურველები ავსებენ შესაბამის ანკეტას.
- კონკურსის მეორე ეტაპზე ტარდება საგნობრივი ტესტირება.
- პირები, რომლებიც წარმატებით ჩააბარებენ საგნობრივ ტესტს, გაივლიან გასაუბრებას.

კონსულტანტ-მასწავლებლის სამუშაოს აღწერა

შერჩეული მასწავლებლები ინტენსიური ტრენინგების (პედაგოგიურ უნარ-ჩვევებსა და ინფორმაციულ-საკომუნიკაციო ტექნოლოგიებში) გავლის შემდეგ, დასაქმდებიან საქართველოს რეგიონების სკოლებში. მასწავლებლები სკოლის დირექციასთან თანამშრომლობით, ეროვნულ სასწავლო გეგმაზე დაყრდნობით და სკოლაში კონკრეტული საგნის სწავლების პრობლემატიკიდან და საჭიროების ანალიზიდან გამომდინარე, შეიმუშავენ სამოქმედო გეგმას. მასწავლებლები ყოველი სასწავლო ტრიმესტრის და წლის ბოლოს მოამზადებენ ანგარიშს სწავლების პროცესის მიმდინარეობის და დაგეგმილი ღონისძიებების შესრულების შესახებ. მასწავლებელმა სწავლების დროს უნდა გამოიყენოს სწავლების თანამედროვე მეთოდები. მასწავლებელი ანგარიშვალდებული იქნება როგორც სკოლის დირექციის, ასევე მასწავლებელთა პროფესიული განვითარების ცენტრის წინაშე, მას შესაძლებლობა ექნება მუდმივად მიიღოს ინფორმაცია ცენტრის მიერ განხორციელებული პროგრამების და ღონისძიებების შესახებ, აგრეთვე მასწავლებლის პროფესიაში არსებული სიახლეების შესახებ, რომელიც პერიოდულად უნდა გააცნოს თავის კოლეგებს და მაქსიმალურად შეუწყოს ხელი სკოლაში ამ სიახლეების დანერგვას. პროექტის ფარგლებში სურვილის მიხედვით მასწავლებლები სკოლებში დასაქმდებიან ერთი ან ორი წლით და ამ პერიოდის განმავლობაში იზრუნებენ სკოლებში სწავლა-სწავლების ხარისხის გაუმჯობესებაზე.

საკვალიფიკაციო მოთხოვნები:

- განათლების ბაკალავრის ან მაგისტრის, საგნის ბაკალავრის ან მაგისტრის ხარისხი, ან პროფესიული განათლება (2010 წლის სექტემბრისთვის);

- საგნის კარგი ცოდნა და მაღალი ინტერესი საგნისადმი;
- პედაგოგიური გამოცდილება (სასურველია, მაგრამ არა აუცილებელი)
- გამართულად მეტყველების და აზრის კარგად გადმოცემის უნარი;
- ინტერესი განათლების სფეროსადმი;
- კანდიდატი უნდა იყოს მოტივირებული, ენერგიული, ლიდერის თვისებების მქონე პიროვნება.

ხელშეკრულების ხანგრძლივობა და პირობები

თითოეული მასწავლებლისთვის ხელშეკრულების ვადა განისაზღვრება ერთი ან ორი წლით. გარდა იმ ანაზღაურებისა, რომელიც განსაზღვრული იქნება სკოლაში კონკრეტული რაოდენობის საათებისთვის, მასწავლებელს დაერიცხება სტიპენდია 500 ლარის ოდენობით. პროგრამაში მონაწილე მასწავლებლებს ეს პერიოდი ჩათვლებათ სტაჟად, რის შემდეგაც, სურვილის შემთხვევაში, შეძლებენ სასერტიფიკაციო გამოცდაზე გასვლას.

დაინტერესების შემთხვევაში, გთხოვთ, დაგვიკავშირდეთ ტელეფონის ნომერზე (+995 32) 95 13 95.

შევსებული აპლიკაცია მოგვაწოდეთ ელექტრონულად, მისამართზე: sakartvelo2010@gmail.com

2. ”კვალიფიციური მასწავლებლები ეთნიკური უმცირესობებით დასახლებული რეგიონების სკოლებში”

პროგრამის აღწერილობა

ეთნიკური უმცირესობებით კომპაქტურად დასახლებულ რეგიონებში განსაკუთრებული სიმწვავეთ დგას სახელმწიფო ენის სწავლების და ამ ენაზე კომუნიკაციის პრობლემა. დასტურდება არაერთი ფაქტი, როდესაც ასეთი რეგიონების სკოლებში ქართულის მასწავლებლებიც კი არ ფლობენ საკომუნიკაციო ქართულს. საჭიროა მასწავლებლებმა გაითავისონ ქართული ენის ცოდნის აუცილებლობა, აიმაღლონ კვალიფიკაცია, რათა მოსწავლეებს გადასცენ ქართულ სივრცეში ცხოვრების, სწავლისა და მუშაობისათვის საკმარისი ენობრივი ცოდნა.

მიზანი

- ეთნიკური უმცირესობებით დასახლებული რეგიონების ქართული ენის მასწავლებლების პროფესიული განვითარება;
- ქართულის, როგორც მეორე ენის სწავლების გაუმჯობესება.

პროგრამის ფარგლებში 2009 წელს შეირჩა 50 მასწავლებელი, რომლებიც ეთნიკური უმცირესობებით დასახლებული რეგიონების სოფლებში ასწავლიან ქართულ ენას და ლიტერატურას. 2010 წელს დამატებით 14 კადრის აყვანა დაგეგმილი, შერჩევისას პრიორიტეტი მიენიჭება ადგილობრივ სპეციალისტებს და უკვე მოქმედ ქართული ენის და ლიტერატურის მასწავლებლებს. კონკურსის წესით შერჩეულ სპეციალისტებს, რომლებიც აკმაყოფილებენ წინასწარ განსაზღვრულ საკვალიფიკაციო მოთხოვნებს, მასწავლებელთა პროფესიული განვითარების ცენტრის მიერ ჩატარდება შესაბამისი ტრენინგი და გაუფორმდებათ ხელშეკრულება.

სამუშაოს აღწერა

ხელშეკრულების საფუძველზე, მოსწავლეების სწავლების გარდა, მასწავლებლები მოამზადებენ მათი სკოლების ქართული ენისა და ლიტერატურის მასწავლებლებს და თემში ქართული ენის შესწავლის მსურველებს.

შერჩეული მასწავლებლების პასუხისმგებლობაა, ასევე, სკოლაში ქართული ენის კლუბის შექმნა: სხვადასხვა აქტივობების დაგეგმვა/განხორციელება, თავიანთ თემში გარემოს გააქტიურება, გამოცოცხლება. კლუბებში შეიძლება მოეწყოს ქართული ენის სადამოები/კონკურსები, აღინიშნოს დღესასწაულები, ამ ღონისძიებებში ჩართული იქნებიან არა მარტო მასწავლებლები და მოსწავლეები, არამედ მშობლებიც.

საკვალიფიკაციო მოთხოვნები

- ქართული ენისა და ლიტერატურის მასწავლებლობის 2 წლიანი გამოცდილება.
- სამცხე-ჯავახეთში, ქვემო ქართლში ან კახეთში (ეთნიკური უმცირესობებით დასახლებული რეგიონებში) ქართული ენის მასწავლებლად მუშაობის გამოცდილება სასურველია, მაგრამ არა სავალდებულო;
- უმაღლესი განათლება (ქართული ფილოლოგიის დარგში);
- რუსული და სომხური ან აზერბაიჯანული ენების საბაზო დონეზე ცოდნა სასურველია;
- საოფისე კომპიუტერული პროგრამების ცოდნა, ინტერნეტის და ელექტრონული ფოსტის გამოყენების უნარი სასურველია;
- კომუნიკაბელურობა, უცხო გარემოში ადაპტაციის უნარი.

კანდიდატების შერჩევა მოხდება ტესტირების საფუძველზე.

ანგარიშგება და ანაზღაურება

- თითოეულ მასწავლებელთან და ტრენერთან ცენტრი გააფორმებს ხელშეკრულებას, სადაც განისაზღვრება მათი საქმიანობის სფერო და აღწერილობა. მასწავლებელს დამატებით ექნება საკონტრაქტო ვალდებულება სკოლასთან.
- მასწავლებელი უნდა იღებდეს ინფორმაციას ცენტრის მიერ ამ რეგიონებში განხორციელებულ ყველა პროექტზე, უნდა თანამშრომლობდეს რესურსცენტრებთან და ანგარიშვალდებული იყოს სკოლასთან და მასწავლებელთა პროფესიული განვითარების ცენტრთან.
- მასწავლებლის ყოველთვიური ხელფასი შეადგენს 1000 ლარს.

კონკურსში მონაწილეობის მსურველებმა, შეავსეთ თანდართული ანკეტა და გამოგზავნეთ ელექტრონულად, მისამართზე: meoreena@gmail.com

დამატებითი ინფორმაციისთვის იხილეთ ვებ-გვერდი: www.tpdg.ge ან დარეკეთ ცხელ ხაზზე 95 58 36

ანკეტის მიღების ბოლო ვადაა 21 მაისი, 17:00 სთ.